



Profesor Dato' Dr. Zalizan Mohd Jelas, dari Jabatan Asas Pendidikan, Fakulti Pendidikan telah dilantik oleh pihak *European Commission* dan Urusetia Konsortium MUNDUSFOR sebagai Profesor Pelawat dalam Program *Erasmus Mundus Master MUNDUSFOR – Education of Professionals in Education*. Pada tahun 2006, pihak *European Commission* telah menerima 156 usulan projek, hanya 23 usulan projek telah diluluskan dan program MUNDUSFOR merupakan program sarjana dalam bidang pendidikan yang tunggal di luluskan oleh pihak tersebut. Seramai tiga orang profesor pelawat dari luar Eropah telah dilantik bersama Profesor Dato' Dr. Zalizan Mohd Jelas; seorang dari Argentina dan seorang lagi dari Brazil.

Program tersebut dikendalikan oleh konsortium lima buah universiti yang meawarkan Program Sarjana Pendidikan *MUNDUSFOR – Education of Professionals in Education* mengikut pengkhususan masing-masing mulai September 2007 hingga September 2009. Universiti-universiti dibawah konsortium tersebut adalah Universiti Granada (Spain), Hogskolen i Akershus (Norway), Universidad de Porto (Portugal), Université de Reims Champagne-Ardenne (France) dan y Universitat Rovira i Virgili de Tarragona (Spain). Profesor Dato' Dr. Zalizan Mohd Jelas akan bertugas di universiti-universiti berikut mulai Februari – Mei 2008 sebagaimana cadangan urusetia konsortium:

Nama Universiti	Tempoh
Universidad de Granada	11-15 Februari 2008
Universidad de Porto (Portugal)	1 bulan
Université de Reims Champagne-Ardenne (France)	1 bulan
Hogskolen i Akershus (Norway)	1 bulan

Program Sarjana Pendidikan *MUNDUSFOR – Education of Professionals in Education* ditawarkan dalam tiga bahasa – Bahasa Inggeris, Spanish dan Portuguese.

Prof Dato' Dr. Zalizan Mohd Jelas telah bertugas di UKM selama 32 tahun dan mempunyai pengalaman luas dalam penyelidikan dan perundingan di dalam negara dan diperingkat antarabangsa. Beliau adalah Penyelidik/Penasihat Projek EU-Asia Link Design of a Curriculum for Curriculum Development (DCCD) (2004-2008) dimana UKM bekerjasama dengan 3 buah universiti di Eropah (Universiti Bremen, Germany; Universiti Duisburg-Essen, Germany; dan Universiti Limerick, Ireland) dan Universiti Beijing Union, China. Beliau juga telah dilantik Perunding UNESCO untuk membangunkan program pendidikan guru bidang pendidikan khas di Mongolia (1995) dan di Pakistan (1997). Pada tahun 1999, beliau adalah Penyelidik Pelawat di National Institute of Special Education (NISE), Yukosuka, Jepun. Untuk membangunkan program pendidikan guru bidang pendidikan khas di Fakulti Pendidikan UKM, Prof Dato' Dr. Zalizan Mohd Jelas adalah Ketua Projek CICHE 422 (Committe for International Cooperation in Higher Education) British Council yang bekerjasama dengan tiga buah universiti di United Kingdom ia-itu, Universiti Cambridge, Universiti Manchester dan Universiti Birmingham.